



Uunga Naaja Nathanielsen
Inatsisartut
/maani

**Inatsisartut Suleriaasianni § 37 naapertorlugu apeqqummut 138-imut akis-
suteqaat**

6. juni 2012
Sagsnr. 2012-060499

Asasara Naaja Nathanielsen

Qillerinermi akuutissanik atuinerit pillugit DCE'p misissuineranut atatillugu apeqqutinnut qujanaq. Inatsisartut Suleriaasianni § 37 malillugu imaattunik apeqquteqarputit:

Postboks 1601
3900 Nuuk
Tlf. (+299) 34 50 00
Fax (+299) 32 56 00
E-mail: isiin@nanoq.gl
www.nanoq.gl

**DCE-p (qanga DMU) qillerinermi akuutissanik atuinerimik misissuine-
ra naammassereerpa? Naammassereersimappat, misissuinerimi qa-
noq iner- niliisoqarpa? Tamannalu tunngavigalugu naalakkersuisut
qanoq inerniliippat? Misissuineq naammassineqarsimangippat, qa-
qugu naammassineqassanga- tinneqarpa? Kinguaattornerup Nammi-
nersorlutik Oqartussat issittumi OSPAR- imik nalilersuinerannut su-
liarineqartumut qanoq isumaqarpa? Suliffeqarfinnullu piumasaqaa-
taasunut nalimmassaanissaanut qanoq isumaqarpa?**

Apeqqummut makkua tunngavilersuutigaatit:

*Aggustimi 2011 Naalakkersuisut nalunaarutigaat DCE (qanga DMU) qillerinermi akuu-
tissanik atuinerimut tunngatillugu qulaajaallutik aallartissimasut, misissuinerimi akuutissat
avatangiisunut sunniutaat, qanoq atorneqarnerat kiisalu piiarneqarneranilu iliuusissat
qulaajarniarneqarput.*

*Qulaajaaneq naammassineqassangatinneqarpoq upernaakkut 2012-imi. Inerniliinerillu
atorneqassallutik issittumi OSPAR-imik nalilersuineranut kiisalu suliffeqarfinnut piumasa-
qaatissat nalimmassarnissaannut.*

Akissut:

Qillerinermi akuutissat pillugit paasiniaanerit suliarineqarput. DCE-p naatsorsuutigaa paasiniaanerup inernera 2012-imi aggustimi pigineqalissasoq, taamaalilluni ukiuni aggersuni qillerinissat pilersaarutigineqartut pilersaarusiomerannut suliarineqarnerannullu ilaasinnaassalluni.

Paasiniaanermi piffissami qanittumi aamma ungasinnerusumi inassuteqaatit ilaatinneqassapput. Qillerinermi akuutissanut / qillerinermi marullummut tunngatillugu nalilersuinerimut tunngatillugu piffissami qanittumi inassuteqaatit, suliniutit nutaat piviusunngortinneqarnissaannut tunngavigineqarsinnaapput. Piffissamut ungasinnerusumut inassuteqaatinut qillerinermi akuutissanut aamma qillerinermi marullummut nalunaaqutsersuinerimut aarlerinaataasunillu nalilersuinerimut atatillugu ilisimasat paasisutissanullu tunngaviusut annertusarneqarnissaannik siunnersuummik ilaqassapput.

2012-imi qillerinermi pisussanut pilersaarummik suliaqarnissamik qinnuteqartoqarsimangimmat, paasiniaanerup annikitsumik kinguartinneqarnera (piffissaliussatut siusinerusukkut ilisimatitsissutigineqartumit qaammatinik 3-4-inik) uuliasiorluni misissuinermi qillerinernut tunngatillugu suliaqarnermi pingaaruteqanngilaq.

Inussiarnersumik inuulluaqqusillunga

A handwritten signature in black ink, consisting of several fluid, connected strokes that are difficult to decipher as specific text.